

Naalackersuinikkut ataqatigiissaarisooqatigiit pingasunngornermi 22. januar 2014-imi nal. 08:30 ataatsimiinnerannit imaqarniliaq.

Peqataasut:

Naalackersuinikkut

ataqatigiissaarisooqatigiit:

Vittus Qujaukitsoq, VQ
Siverth K. Heilmann, SKH
Nick Nielsen, NN
Jens-Erik Kirkegaard, JEK
Martha Lund Olsen, MLO
Jørgen Wæver Johansen, JWJ
Asii Chemnitz Narup
Hermann Berthelsen, HB
Ole Dorph
Martha Abelsen MA

Susie Marthin Kjeldsen

Frank Hedegaard
Steffen Ulrich-Lynge
Paneeraq Olsen
Lars Lennert Sandgreen

Karl Davidsen
Simon Lennert

Imaqarniliortoq:

Marianne Petersen

Aalajangeeqataasinnaanatik

ataatsimeeqataasut:

Svend Hardenberg
Peter Hansen
Jørn Skov Nielsen
Mikael Kristensen
Olafur P. Nielsen
Hans-Erik Bresson
Aviâja Mørch Amondson

Avataanit peqataasut:

Henrik Rafn
Alvaro Arriagada
Lise Buchardt

Ullormut oqaluuserisassat:

1. Oqaluuserisassat akuersissutigineqarnerat
2. Kingullermik ataatsimiinnermit imaqarniliap akuersissutigineqarnera (ilannussaq 1)
3. Ilisimatitseqatigiinneq - Kommunit aamma Namminersorlutik Oqartussat inissisimanerat
4. Akuersissutigineqartussat
 - a) Missingersuutit pillugit suleqatigiinnissamik isumaqatigiissutissatut siunnersuut, tusarniaassutissatut missingiut (Ilannussaq 2)
 - b) Aaqqissuusseqqinnissap ilusissaata naliliivigineqarnissaa pillugu suleqatigiit suleriaasissaasa allattorsimaffiat (ilannussaq 3)
 - c) Piginnaasanik pisariaqartitsinernillu qulaajaaneq pillugu suliasat allattorsimaffiat (Ilannussaq 4)
 - d) Ulloq unnuarlu paaqqinnittarfeqarnermut tunngasuni kaammattuutit pillugit tusarniaassutissatut missingiut tusarniutigalugu nassiunneqarpoq (ilannussaq 5)
5. Ilisimatitsissutissat
 - a) Akiliisitsiniartarnermut innarluutilinnullu tunngasuni misissueqqissaarnerit (Ilannussaq 6)

- b) Sanaartornermut suliassaqarfimmi nunap immikkoortuinut pilersaarummik suliagarneq (ilanngussaq 7)
- c) Naligiissaarinnissamut ataatsimoortumillu tapiissutinut ilusilerneqarnerata sularineqarnera (Ilanngussaq 8)
- d) Suliniutinut annertuunut kommunitut Namminersorlutik Oqartussanullu kinguneqaataasinnaasut (Ilanngussaq 9)
- e) 2014-imi Nunaqarfiit pillugit ataatsimeersuartitsinissaq (Ilanngussaq 10)
- 6. Suliassat isumagineqarnerannut anguniagassanik periusissanillu politikikkut oqallisiginneq (ilanngussaq 11)
- 7. Ataatsimiittarnissanut pilersaarutitut siunnersuutip akuersissutiginerana: April 2014-ip aallartinnerani, sap.ak.3 maajimi, augustip qiteqqunnerani.
- 8. Tamalaat

1-mut. Ullormut oqaluuserisassat akuersissutigineqarnerat

Ullormut oqaluuserisassat oqaaseqarfiginagit akuersissutigineqarput.

2-mut. Kingullermik ataatsimiinnermit imaqarniliap akuersissutigineqarnera

Qallunaatut kalaallisullu saqqummiunneqartumi peqataasut allattorsimaffiannut oqaaseqaatit arlalialuit. Iluarsineqassaaq imaqarniliarlu iluarsisaq nassiunneqassalluni.

3-mut. Ilisimatitseqatigiinneq - Kommunit aamma Namminersorlutik Oqartussat inissisimanerat

Immikkoortumi siullermik borgmesterit, KANUKOKA-p siulittaasua kingulliullutillu Naalakkersuisunut ilaasortat najuuttut oqaasiinnakkut ilisimatitsissuteqarput. Pingaaruteqarnerpaat ataani allassimasumi ataatsimut allaaserineqarput.

Kommune Kujalleq:

- Inukilliartorneq tamatumalu kingunerisinnaasaanik ajornartorsiorneq saqqummiunneqarpoq. Pisariaqarpoq sakkortusisamik inuussutissarsiutinik siuarsaaniarluni suliniuteqarnissaq, siunissami sulisussaani aggersaanissamut iluaqutaasasoq.
- Aalisarneq aallunneqartariaqarpoq taamaasilællunilu annertunerusumik tunitsiviit atorluarnerisigut nunap immikkoortuini allanisullu aalaakaasunik suliffissanik pilersitsisoqarluni. Pingaartumik aalisakkatigut pisuussutit iluaqutigineqarnerini annertunerusumik nutaaliorsinnaanermik pisariaqartitsisoqarpoq.
- Aatsitassanik piaanermi suliffissuaqarneq kommunimut assut pingaaruteqassaaq, namminersorlutillu oqartussat kaammattorneqassapput piaasinnaanermik akuersissuteqarnissaq qulakkeeqqullugu KK-mut pilersinnaasunik nutaanik tunniussisoq aamma suliassanik isumaginissinnaanermut sulisinnaasunik.
- Nunalerineq pillugu Ataatsimiititaliarsuarmit nassuiaat qilanaaraarput, qularnanngitsumik nunap immikkoortuanut tassunga ukiuni aggersuni siuariartornissamik qularnaarisinnaasoq.
- Pisariaqarpoq atortulersuutit annertusarneqarnissaat, KK-miillu naatsorsuutigineqarpoq sulariumannittussarsiuussissamaanermut peqataatinneqarnissaq akisussaaqataarusullunilu oqartussaaffimmi kiffartuussinissamik isumaqatigiissutit nutaat isumaqatigininniutigineqarnerinut atatillugu.

Kommuneqarfik Sermersooq:

- Suliffeqarnikkut suliniut aallunneqassaaq, tassani annertuumik iliuuseqartoqarpoq nutaamik suliffissaqarnermi politikkikkut iliuusissatut pilersaarutip piviusunnngortinneqarnissaanut, amerlanerusunik suliffeqarnissamat piareersitsisinnaasussamik.
- Ingerlatsinikkut aningaasartuutit ikilisinneqarnissaanut pilersaarut aalajangiunneqarsimavoq, tassuuna anguniarneqarlutik sipaarutaasinnasut ukiuni aggersuni pingasuni 75 mio. kroninik annertussusillit.
- Najukkani siunnersuisoqatigeeqalernissaanik pilersitsiniarluni sulineq aallartinneqarsimavoq, tassani najugaqarfiusuni tamani innuttaasut peqataatinneqassallutik.
- Kommune Kujalleq-mit tunngavilersuutigineqartut tassalu atortulersuutit tungaasigut nutaanik kiffartuussinissamik isumaqatigiissutit atortuulersinneqarnissaanni peqataatinneqartarnissaq tapersersorneqarpoq, tassami kommuni kingullermik eqqorneqarmat taamatut kiffartuussinissamik isumaqatigiissusiortoqarmat Tunumit ajornerusumik kiffartuussisoqalerneratigut.
- AWG 2016 ukiunut tulliuttunut marlunnut kommunip pilersaarusiorterani assut initussaaq.

Qeqqata Kommunia:

- Qanganisarpaluttumik 2014-imut missingersuusiortoqarsimavoq, maannakkorpiaq kommunimi suliffissaaleqinerup qaffasinnera tunuliaqutigalugu, 600-it nalunaarsorneqarsimapput.
- Aalisarnek aallunneqassaaq, tassunga ilanngullugit aalisakkanik nutaanik iluaqutiginninneq. Tamanna pillugu piffissami qaninnerpaami Maniitsumi isumasioqatigiittoqarnissaa pilersaarusiorneqarpoq.
- Inuusuttut ilinniagaqaaqqullugit tapersersorneqassapput, kommunimit annertuumik isumaginiarneqarpoq pineqartumi immikkut ittumik iliuuseqartoqarnissaa.
- Maannakkutut ilinniagaqarnikkut aaqqissuussineq Nuup avataani siamasissumik ilinniagaqarfiliilluni pigiinnarneqartariaqarpoq.
- Kommunimit annertuumik tatigineqarpoq, aatsitassaqarnerup tungatigut iliuusissamaatit kinguneqarluarumaartut Kalaallillu Nunaanni suliffissanik nutaanik pilersitsisinnaasussat.

Qaasuitsup kommunia:

- Pisortat atorfiisa arlallit inuttalernerqarsimannginnerinik eqqorneqarnikuusimavoq, maannakkulli qanittumi taakku inuttalernerqartussanngornerat qilanaarineqarpoq.
- Kommunimi ilinniagaqarsimasunik sulinnaasunik assorsuaq amigaateqartoqarpoq, inuusutissarsiorsinnaasuni ukioqatigiinni taamaallaat 20% ilinniagaqarsimasuupput meeqqat atuarfiata saniatigut. Nuna tamakkerlugu ilinniagaqarnikkut killiffiup siuarsarneqarnissaanut iliuuseqartoqartariaqarpoq.
- Aalisarnek periarfissanik killiliinernillu pilersitsisarpoq. Maannakkorpiaq kommuni sakkortuumik eqqugaavoq avannarpasinnerusumi tunitsivinnik matusisimanikkut. Taamatut ajornartorsiornek namminersorlutik oqartussanit oqaloqatigiissutigineqassaaq, taamaasilluni siunissami attanneqarsinnaasumik aaqqiinermik angusaqartoqarsinnaalluni.
- Kommunerujsuaq pillugu oqallinneq ingerlavoq upernaallu ingerlanerani Inatsisartuni oqallisigineqassalluni. Marts-imi tikkuusisussamik innuttaasunik taasisitsisoqassaaq.
- Kommunimit annertunerusumik akuusoqartarnissaa tapersersorneqarpoq attaveqaasersuutitigut nutaanik kiffartuussinissamik isumaqatigiissusiortoqannginnerani. Pineqartoq kommunimut annertuumik pingaaruteqartuuvoq, amerlasuunik najugaqarfeqarluni. Kommuni pineqartoq pillugu annertuumik ilisimasaqarpoq, tassunga atatillugu atornerqarsinnaasunik.

KANUKOKA

- Aaqqissusaaikkut aaqqissusseqqilluni naliliinissamik suliaqassamaarneq qilanaarinearpoq.
- Angallannerup tungaatigut kiffartuussinissamik isumaqatigiissutinik nutaanik isumaqatigiissuteqartarnerni kommunit akuunerunissaat tapersersorneqarpoq.
- Suliffeqarnermut tunngasoq aallunneqassaaq, akuusunut tamanut pingaaruteqartuuvoq pimoorussamik iliuseqartoqarnissaa.
- Misissorneqartariaqarpoq KNR-ip kanal 2-a arlaatigut nunap immikkoortortaani kanalinnngortinneqarsinnaanersoq, taamaasillutik kommunit sisamat taakku paassissutissiisarnerminni oqallitsitsisarnerminnilu innuttaasunut qaninnerulersinnaaniassammata.

VQ:

- Namminersorlutik Oqartussat periusissiaanni qitiuvoq, ilinniagaqarnerup aallunneqarnissaa uagut nammineq suliffeqarnitsinnut.
- Aalisarnermut politikki aamma tulaassisusaaqtaanerup qularnaarneqarnissaa taamalu nunamut suliffissaqartitsinissaaq aallartinneqarnikuupput tusarniutigineqarlutillu. Martsimi aalisarnermut politikki pillugu isumasioqatigiittoqassaaq.
- Aaqqissusseqqinnissanut isummernissamut tunngavissianik arlalinnik takkuttoqassaaq, pisortani suleqatigiinneq pillugu aamma ataatsimoorluta unammilligassagut pillugit nassuiaatip kingunerisaatut.

NN

- Ilinniagaqarnissamut periusissiaq ingerlalluarpoq, akuusullu tamarmik ingerlanneranut akulerutsinneqarsimallutik aamma kommunit periusissiami siunnersueqatigineqartarput pingaaruteqartorujussuarmik.
- Kulturimut periusissiasatut missingiuusiortoqarsimavoq, aatsaat siullerpaarpaamik. Tamatuma atortuulersinneqarnissaa assut naatsorsuuteqarfigaarput, kommunit akuusullu suleqatigalugit.
- Ilagiinni unammilligassat, pingaartumik palasissaaleqineq, maannakkorpiaq oqaloqatigiissutigineqarpoq.

MLO:

- Meeqqanut inuusuttunullu tunngasumi iliuserineqartoq maannakkorpiaq naammaginangilaq. Ataatsimoorussamik iliuseqarnissaaq pisariaqartinneqarpoq siunissami inuusuttortatsinnik kivitsinissamut anguniagassat anguniarlugit. Tamatumani Namminersorlutik Oqartussat aamma kommunit ataatsimoorlutik iliuseqatigiittariaqarput.
- Aaqqissusseqqinnerit arlallit aggerput, pingaartumik soraarnerussutisiaqartitsisarnerp tungaatigut. Soorunami kommunit peqataatinneqassapput, tunngavissiat piareersimalerpata.
- Utoqqaat tungaasigut nunap immikkoortuinut pilersaaruisortoqassaaq, tassani utoqqaat amerliartornerini ineriartorneq eqqarsaatigineqassalluni. Tamanna kommunit suleqatigalugit pissaaq.

JEK:

- Aatsitassanut periusissiaq nutaaq tusarniutigineqarpoq. Pineqartumi iliuusissat assut isumalluarfigaavut, ilinniagaqartitsinissaq aamma suliffissaqartitsinissaq eqqarsaatigalugit.
- Annertunerpaamik najukkami aatsitassanik suliarinneqqiisarneq qularnaarniarneqassaaq, inuiaqatigiinnut iluaqutaasumik.

SKH:

- Sanaartornerup tungaatigut pipallannerit amerlavallaaqaat, tamatuma kingunerisarpaa kingornatigut suliaqartoqartarnera kukkunerit suliarineqarsimasut iluarsiniarlugit. Tamanna siunissami pinaveersaassavarput aamma inatsisiliornikkut sukaterisoqassaaq taamaasilluni tamanna isumannaarneqarluni.
- Aqutsinermi atortorineqartartut pitsaanerussapput, taamaasilluta inuiaqatigiit sanaartornermut aningaasaataat pissusissamisoornerpaamik iluaqutigisinnaaniassagatsigit.
- Suliniutissamaatissat sulisitsisut kattuffii qanimut suleqatigalugit ingerlanneqassapput.

VQ-mit kommunit ilaasunik angallassinerup tungaatigut nutaanik kiffartuussinissamut isumaqatigiissutit suliarineqartarnerinut akuutinneqartarnissamik kissaataat uppernarsarlugu tiguaa. Kissaat ingerlateqqinneqassaaq Steen Lynge-mut, taanna ajuusaarnaraluartumik ataatsimiinnermut peqataasinnaangitsoq.

4-mut. Akuersissutigineqartussat

- a. Missingersuusiortarnermi suleqatigiinnissamut isumaqatigiissutissatut siunnersuut nutaaq oqaaseqarfiginagu akuersissutigineqarpoq taamalu atsiorneqarnissaminut piareerluni.
- b. Aaqqissuussaannermi aaqqissuusseqqinnerup naliliivigineqarnissaanut suliassat allattorsimaffissaanut siunnersuut oqaaseqarfiginagu akuersissutigineqarpoq. Sulineq aallartinneqassaaq piffissaliussatut pilersaarut saqqummiunneqartoq naapertorlugu.
- c. Piginnaasanik qulaajaanissamut aamma piginnaasatigut pisariaqartitsinermut suliassat allattorsimaffissaattut siunnersuut oqaaseqarfiginagu akuersissutigineqarpoq. Sulineq aallartinneqassaaq piffissaliussatut pilersaarut saqqummiunneqartoq naapertorlugu.
- d. Ulloq unnuarlu paaqqinnittarfeqarnerup tungaatigut kaammattuutit tusarniutigineqarnissaannut missingiut akuersissutigineqarpoq. Taanna inaarutaasumik nalunaarusiaq peqatigalugu tusarniutigineqassaaq.

5-imut. Ilisimatitsissutissat

- a. Innarluutillit aamma akiliisitsiniartarnerup tungaatigut misissueqqissaarnerup killiffia pillugu ilisimatitsineq tusaatissatut tiguneqarpoq.
- b. Sanaartornerup tungaatigut nunap immikkoortuini pilersaarusiortarnerup killiffia pillugu ilisimatitsineq tusaatissatut tiguneqarpoq.
- c. Ataatsimoortumik tapiissutinut aamma naligiisaarinissami aaqqissuussinermut periutsumik nutaamik suliaqarnerup killiffia pillugu ilisimatitsineq tusaatissatut tiguneqarpoq.
- d. Sulianut annertuunut pilersaarutit kingunerisinnaasaat pillugit ilisimatitsineq arlalinnik oqaaseqaateqartitsivoq.
 - Suliffeqarnikkut iliuuserisaq nukittorsarneqassaaq, periarfissanngorumaartunut naleqqussarsimassagutta.
 - Tamakkiisumik akileraarusersuisarneq pillugu pissutsit ilaatinneqassapput allaaserineqassallutillu.

- Suliat annertuut pillugit inatsit naapertorlugu London Mining-ip piaasinnaanissamut qinnuteqaataanut uppersaasoqarnissaa Kommuneqarfik Sermersuumit ujartorneqarpoq JEK-p ilisimatitsissutigaa, akuersissut takkutingajalersoq, kisiannili nunamik iluarseeqqittarnerup qulaajaavigineqarnissaa amigaataavoq. JEK/Kommuneqarfik Sermersooq sammeneqartoq pillugu immikkut ittumik ataatsimiissapput.
 - MA-mit erseqqissaatigineqarpoq, pisariaqartinneqartoq allakkiami apeqqutit suliniutillu eqqartorneqartut ilaannut malinnaatinneqarnissaa. VQ-p akissutigaa, politikikkut ataqatigiissarisooqatigiinnit aalajangiunneqarnikuusoq siunissami aalajangersimasumik sammeneqartoq malinnaavigineqartassasoq, taamaasilluni tassuunaartumik malinnaavigineqarsinnaavoq.
- e. Nunaqarfiit atatsimeersuartinneqarnissaat pillugu ilisimatitsivoq, taanna pilersaarutigineqarpoq maji qiteqquppat Ilulissani ingerlanneqartussatut. Apeqqutaassaarli UPA2014. MA-p oqaatigaa pingaartuusoq aalajangiusimassallugu, nunaqarfinnut akisussaaffiup kommuniniinnissaa. Ataatsimeersuarnermi aamma najugaqarfiit mikinerusut ilaatinneqartariaqarput nunaqarfiinnaviit kisiisa pinnagit. Naatsorsuutigineqarpoq KANUNUPE aamma KANUKOKA ataatsimeersuarnerup pilersarusiorneranut akuutinneqassasut. Ilisimatitsissut tusaatissatut tiguneqarpoq.

6-imut. Suliassanik isumaginittarnermut anguniakkat periutsillu pillugit politikikkut oqallisiginneq

JWJ-p apeqqutigaa nalinginnaasumik aalisakkatigut pisassiissutit allaffissornikkut ingerlanneqarnerat qanoq paasisariaqarnersoq. VQ-p nalunaarutigaa, sammisaq aalisarneq pillugu martsimi isumasioqatigiinnermi suliarineqarumaartoq. JWJ-imit ujartorneqarpoq pineqartumi nalinginnaasumik nutaaliorluni eqqarsartoqarnissaa tamanillu isumaqatigiissutigineqarpoq sammisat taakku ataatsimoorullugit oqaloqatigiissutigineqassasut.

JWJ-ip sammisaq saqqummiuppaa atuarfinnik iluarsaassinermi sanaartornermi isumaginittut inissisimaneq akisussaaffeqarnerlu pillugit. Periutsit assigiiaarnerusut ujartorneqarput, taamaasilluni kommunit tamarmik assigiimmik suliarineqarsinnaaniassammata. VQ-p nalunaarutigaa naalakkersuisoqarfiit akisussaasut pineqartumi nassuiaammik piareersaallutik suliaqalereernikuusut. VQ-p oqaatigaa, pineqartumi siuariartortoqarnissaa nammineq isumannaarniarlugu, taamaasilluni tamatuma kingornatigut naalakkersuinikkut aalajangiisoqarsinnaaniassammat pineqartumi ajornartorsiutit iluarsiiuginiarlugit.

SKH-p ilisimatitsissutigai illuliornermi nalinginnaasumik pitsaassuseq pitsanngortinniarlugu suliniutit, taamaasilluni aserfallatsaaliisarnermik pisariaqartitsineq annikillisinneqarsinnaaniassammat. HB-mit taamatut suliniuteqarneq tapersorneqarpoq. HB-p ujartorpaa sanaartornerup tungaata nalinginnaasumik kommuninut tunniunneqarnissaa, soorlu aaqqissuusseqqilluni isumaliutissiisummi tamanna anguniarneqartoq. MA-mit isuma tamanna tapersorneqarpoq anguniarlugulu pineqartumi ataatsimoorussamik pitsaanerusumik pilersarusiortarnissaaq, tamannalu saniatigut ikaartarfeqarnermut aqqusineqarnermullu ajornartorsiutit akisussaaffilerneqarnissai erseqqissarneqartariaqartoq oqaatigalugu.

SKH-p eqqaavaa oqummik aamma PCB-mik annertuumik ajornartorsiuteqartoqarnera. Unammilligassat annertuujupput ukiuni aggersuni iluarsineqartussat. Tamanna kommunit suleqatigalugit pissaaq, taamaasilluni najukkani pilersarusiortoqartarluni najukkamilu sulisinnaasut annertunerpaamik atorineqartarlutik.

NN-p nalunaarutigaa pineqartumi periusissanik suliaqartoqartariaqartoq, taaamasilluni ajornartorsiorneq ersarissarneqarsinnaassammat aammalu aalajangersimasunik iliuusissatut pilersaarutitik allattuisoqarsinnassammat. Sanaartornerup tungaa kisiat pinnagu, kisiannili aamma taamaatiinnartarnerit, nalinginnaasumik ilinniagaqarnermik nukittorsaaneq, nerisaqartitsisarneq il.il. pillugit.

VQ-mit isumagineqassaaq tullissaanik ataatsimiinnermut tunngavissiortoqarnissaa, tassunga ilanngullugit tunniussinissanut piffissamut pilersaarutaasinnaasumut siunnersuut, taanna naatsorsuutineqarpoq isumaqatigiissuteqarfigineqarsinnaasussatut. Tamamatuminnga piareersarnermut kommunit akulerutsinneqarumaarput.

7-imut. Ataatsimiittarnissanut pilersaarutissatut siunnersuutip akuersissutigineqarnera. April aallartilaarpat 2014-imi, sap. ak. 3 maajimi, augusti qiteqquppat.

Tullissaanik ataatsimiinneq aprilip aallartilaarpat, oqarasuaatikkuat ataatsimiinnertut ingerlanneqassaaq. Tamatuma kingornatigut ataatsimiinnissaq piareersarneqassaaq majimi nunaqarfiit ataatsimeersuartinneqarnissaannut atatillugu, aamma ataaseq augusti qiteqquppat. Kissaatiginartinneqarpoq, ataatsimiinnernut aamma sumiiffinni allani Nuummiinnaanngitsoq pilersaarusiortoqassasoq. Tamanna ilaatigut majimi ataatsimiinnermi pisinnaassaaq.

Isumaqatigiissutigineqarpoq, politikikkut ataqatigiissaarisooqatigiinni ataatsimiinnernit imaqarniliat siunissami sapinngisamik piaarnerpaamik tamakku ingerlanneqareersimaleraangata nassiunneqartassasut, soorluttaaq ataatsimiinnissanut atortussat ataatsikkut nassiunneqartarnissaat anguniarneqassasoq.

Kiisalu isumaqatigiissutigineqarpoq, pingaaruteqartuusoq qularnaassallugu ataatsimoorussamik pisortatigoortumik suliniutit suli siuaruarterfiunissaat aamma aalajangersimasumik aalangiisarnertigut ersarissumik angusanik angusaqartoqartassasoq.

Ilanngussanut takussutissiaq.

Ilanngussaq 1. Ataatsimiinnermit kingullermit imaqarniliaq

Ilanngussaq 2. Missingersuutit pillugit suleqatigiinnissamik isumaqatigiissutissatut siunnersuut, tusarniaanissamut missingiut kiisalu missingersuutit pillugit suleqatigiinnissaq pillugu isumaqatigiissummut tusarniaanermi akissutit

Ilanngussaq 3. Aaqqissuusseqqinnissap ilusissaata naliliivigineqarnissaanut suleqatigiissitanut suliassarititaasut allattorsimaffiat.

Ilanngussaq 4: Piginnaassutsinik pisariaqartitanillu qulaajaaneq pillugit suliassat allattorsimaffiat.

Ilanngussaq 5. Ulloq unnuarlu paaqqinnittarfeqarnermut tunngasuni kaammattuutit pillugit tusarniaassutissatut missingiut nassiunneqarpoq.

Ilanngussaq 6. Akiliisitsiniarnermut innarluutilinnullu tunngasuni misissueqqissaarnerit.

Ilanngussaq 7. Sanaartornermut tunngasuni nunap immikkoortuinut pilersaarusiorneq.

Ilanngussaq 8. Naligiissaarinnissamut ataatsimoortumillu tapiissutinut ilusissap suliarineqarnera

Ilanngussaq 9. Suliniutinut annertuunut pilersaarutit kommuninut Namminersorlutik Oqartussanullu kinguneqaatigisinnaasaat.

Ilanngussaq 10. 2014-imi Nunaqarfinnik ataatsimeersuartitsinissaq.

Ilanngussaq 11. Suliassanik isumaginnittarnermut anguniakkat periutsillu pillugit politikikkut oqallisiginninneq